

## 8. gr.

Með brot á þessari samþykkt skal farið samkvæmt ákvæðum laga um hollustuhætti og mengunarvarnir nr. 7/1998.

## 9. gr.

Samþykkt þessi er sett samkvæmt ákvæðum 25. gr. laga um hollustuhætti og mengunarvarnir nr. 7/1998, með síðari breytingum og staðfestist hér með til þess að öðlast þegar gildi.

*Umhverfissráðuneytinu, 21. janúar 2000.*

F. h. r.

**Ingimar Sigurðsson.**

*Sigurbjörg Sæmundsdóttir.*

## SAMÞYKKT

### um hundahald í Siglufirði.

## 1. gr.

Hundahald í lögsagnarumdæmi Siglufjarðar sætir þeim takmörkunum sem um er getið í samþykkt þessari.

## 2. gr.

Bæjarstjórn er heimilt að veita mönnum búsettum í bænum leyfi til hundahalds með eftirfarandi skilyrðum.

- Leyfi skal bundið við nafn og heimili lögráða einstaklings og óheimilt að framselja það.
- Ef sótt er um leyfi til hundahalds, sem gert skal á þar til gerðu eyðublaði, skal, ef umsækjandi býr í sambýlishúsi, skriflegt samþykki sameigenda/stjórnar húsfélags í húsinu fylgja umsókn, er gildir þar til bæjarstjóra berst skrifleg afturköllun frá einhverjum húsráðanda. Við afturköllun samþykkis eða synjun nýrra íbúðareiganda skal gefa hundaeiganda hæfilegan frest til að finna hundinum annan samastað. Sækja skal um leyfi fyrir hvolp áður en hann verður 3ja mánaða gamall.
- Greiða skal í bæjarsjóð leysisgjald og setur bæjarstjórn árlega gjaldskrá, að fenginni umsögn heilbrigðisnefndar, samkvæmt ákvæðum 25. gr. laga nr. 7/1998 um hollustuhætti og mengunarvarnir, með síðari breytingum. Í gjaldskrá skal vísa til þessarar samþykktar. Bæjarstjórn skal láta birta gjaldskrá í B-deild Stjórnartíðinda. Gjaldið skal vera í samræmi við þá þjónustu sem veitt er. Gjaldið skal greitt í fyrsta sinn við skráningu hundsins og síðan árlega fyrirfram með gjalddaga 1. maí. Hafi gjaldið eigi verið greitt á eindaga fellur leyfið úr gildi. Hundar sem blindir menn eða sjónskertir þurfa á að halda vegna fötlunar sinnar, leitarhundar, svo og hundar, sem notaðir eru við búrekstur á lögbýlum í umdæmi bæjarins eru undanþegnir þessu gjaldi, en vegna þeirra skal þó greiddur kostnaður við hundahreinsun.
- Skylt er leyfishafa að hafa hund sinn ábyrgðartryggðan hjá viðurkenndu tryggingarfélagi, þannig að tryggt sé að trygging ná til alls þess tjóns, sem dýrið kann að valda mönnum, dýrum, gróðri og munum. Vottorð um ábyrgðartryggingu skal liggja fyrir við útgáfu leyfis og kvittun vegna greiðslu iðgjalds þegar hreinsun fer fram árlega.

- e) Hundar skulu færðir árlega til hreinsunar, sem fram fer í samræmi við reglugerð um ormahreinsun hunda nr. 837/1999.
- f) Leyfisbréf skal útgefið af eftirlitsmanni með dýrum hjá Siglufjarðarbæ að fengnu leyfi bæjarstjórnar. Eigandi hundsins fær þá afhenta plötu sem greytt skal í skráningarnúmer hundsins. Plata þessi skal jafnan vera fest við ól um háls hundsins. Hundeiganda ber að tilkynna á bæjarskrifstofuna ef hundur drepst eða er fluttur úr lögsagnarumdæminu. Senda skal lögreglustjóra afrit af leyfisbréfi.
- g) Hundaeigandi skal gæta þess vel að hundur hans valdi ekki hættu, óþægindum eða óþrifnaði, né raski ró manna. Eiganda er skylt að fjarlægja saur eftir hundinn á tryggilegan hátt.
- h) Hundur skal aldrei ganga laus á almannafæri, heldur vera í festi og í fylgd með manni, sem hefur fullt vald yfir honum. Þegar hundur er í festi á húslóð, skal lengd festarinnar við það miðuð að óhindrað megi ganga að aðaldyrum hússins. Heimilt er að sleppa hundum lausum á auð svæði og ónotuð, fjarri mannabyggð.
- i) Eigi er leyfilegt að fara með hund í matvöruverslanir eða aðra staði þar sem matvæli eru höfð um hönd. Sama gildir um aðrar verslanir. Bannað er að fara með hunda inn í sjúkra- og skólahús, dagvistar- og dvalarheimili hvers konar, leikhús, félagsheimili, kvikmyndahús, sundlaugar og önnur íþróttahús, hótél og gististaði. Bannað er að fara með hunda inn á skipulögð leiksvæði barna, skipulögð íþróttasvæði svo og kirkjugarða.
- j) Eigendum hunda, sem grunaðir eru um að vera smitberar, er skylt að hlíta því að hundar þeirra séu rannsaðir, sé þess óskað af heilbrigðisfulltrúa, lækni eða dýralækni.

### 3. gr.

Ef leyfishafi brýtur gegn ákvæðum samþykktar þessarar eða öðrum reglum, sem um hundahald gilda, getur bæjarstjórn afturkallað leyfið. Einnig getur bæjarstjórn afturkallað öll leyfi til hundahalds telji hún til þess brýna þörf.

### 4. gr.

Frankvæmd og eftirlit með hundahaldi á Siglufirði annast starfsmaður tæknideildar Siglufjarðarkaupstaðar í umboði heilbrigðisnefndar Norðurlands vestra, og getur hann leitað aðstoðar lögregluyfirvalda þegar þörf krefur. Bæjarstjórn getur sett reglur um nánari framkvæmd reglna þessara, svo sem um eftirlit, hreinsun, hundageymslu og fleira.

### 5. gr.

Óleyfilega hunda og hunda sem ganga lausir utanhúss, skal eftirlitsmaður handsama og færa í sérstaka hundageymslu. Eftirlitsmaður með dýrum sér um geymslu, fóðrun og afhendingu hunds. Kostnað við handsömun og geymslu hunds greiðir eigandi við afhendingu. Bæjarstjórn setur árlega gjaldskrá þar um. Hættulegum hundum sem eigi er leyfi fyrir skal þegar lógað. Öðrum hundum má lóga, sé þeirra ekki vitjað innan viku frá handsömun þeirra. Komi síðar í ljós hver átti hundinn má krefja eiganda um greiðslu kostnaðar. Ef uppvíst verður um óskráðan hund, skal eiganda hans gert að greiða árgjald til bæjarsjóðs, að viðbætti sekt, er getur numið allt að sömu upphæð og árgjaldið.

### 6. gr.

Brot gegn samþykkt þessari eða reglum settum samkvæmt henni varða sektum, nema þyngri refsing liggja við samkvæmt lögum. Með mál út af brotum á samþykkt þessari skal fara að hætti laga um meðferð opinberra mála og að öðru leyti í samræmi við ákvæði laga nr. 7/1998 um hollustuhætti og mengunarvarnir, með síðari breytingum.

## 7. gr.

Framangreind samþykkt bæjarstjórnar Siglufjarðar staðfestist hér með samkvæmt 25. gr. laga nr. 7/1998 um hollustuhætti og mengunarvarnir, með síðari breytingum. Jafnframt falla úr gildi eldri samþykktir um hundahald á Siglufirði.

*Umhverfissráðuneytinu, 21. janúar 2000.*

F. h. r.

**Ingimar Sigurðsson.**

*Sigurbjörg Sæmundsdóttir.*

## GJALDSKRÁ

### fyrir sorphirðu í Búðahreppi.

## 1. gr.

Sveitarstjórn Búðahrepps er heimilt að leggja á árlegt sorphirðugjald (sorphreinsi- og sorpeyðingargjald) sem innheimta skal með fasteignagjöldum.

## 2. gr.

Gjaldið er sem hér greinir:

Sorphreinsunargjald kr. 4.950 á hvert sorphlát.

Sorpeyðingargjald kr. 3.850 á hvert sorphlát.

## 3. gr.

Gjaldskrá þessi, sem er samþykkt af sveitarstjórn Búðahrepps, er hér með staðfest samkvæmt 25. gr. laga nr. 7/1998 um hollustuhætti og mengunarvarnir með síðari breytingum, til að öðlast þegar gildi. Frá sama tíma fellur úr gildi gjaldskrá nr. 87/1999.

*Fáskrúðsfirði, 24. janúar 2000.*

F.h. Búðahrepps,

**Steinþór Pétursson** sveitarstjóri.

## AUGLÝSING

### um deiliskipulag Herjólfsdals, Vestmannaeyjum.

Samkvæmt skipulags- og byggingalögum hefur bæjarstjórn Vestmannaeyjabæjar þann 10. júní 1999 samþykkt deiliskipulag Herjólfsdals í Vestmannaeyjum.

Deiliskipulagið tekur til svæðis sem afmarkast af norður- og austurhlíðum Dalfjalls og legu golfvallarins að vestan og gerir ráð fyrir útivistarsvæði, opnu svæði til sérstakra nota.

Greinargerð og uppdráttur hafa hlotið þá meðferð sem skipulags- og byggingalög mæla fyrir um. Deiliskipulagið öðlast þegar gildi.

*Vestmannaeyjum, 13. janúar 2000.*

F.h. bæjarstjórnar Vestmannaeyja,

**Guðjón Hjörleifsson** bæjarstjóri.